



PROLOGUS IN VITAM S. RABEGUNDIS.

[The following text is a dense block of small, illegible characters, likely representing a corrupted or extremely small font version of the page's content. It appears to be a list or a set of instructions, but the characters are too small to transcribe accurately.]

dare operam studio non magis tarditas ingenii, A quam pontificalis administrationis occupatio (28) prohiberent. De ejus tamen gratia præsumens, qui linguas infantium facit disertas, ad Fortunati simul et Baudoniviæ sanctimonialis scripta recurri (29) quorum uterque præfatam prosecutus vitam, de pretioso apparatu pretiosa parum (30), sicut tibi videtur, fercula confecerunt. Eorum scriptis diligenter **SS7** **SS8** evolutis, Fortunatum sequi disposui, qui non minus ex vita, quam ex dignitate pontificis (31) plurimum auctoritatis accedit. Quædam tamen miracula, quorum Fortunatus quidem nullum attigit, sanctimonialis vero memoriæ reperitur

(28) Ex isto loquendi modo liquet hanc vitam S. Radegundis ab Hildeberto concinnatam esse, quando jam erat præsul, adeoque post annum Christi 1197. At nondum scimus, utrum eo tempore Cenomanensem Ecclesiam, an Turonensem gubernaret.

(29) Hinc confirmatur fides Actorum qua sub nomine Fortunati et Baudoniviæ exhibuimus, cum utraque illa lucubratio venerabili Hildeberto præluxerit. BOLL.

(30) Hildebertus hoc loco Fortunati et Baudoniviæ appellat *pretiosa parum fercula*, eo quod obscuro ac difficili stylo composita sint, quamvis autem Hildebertus scabrum utriusque hujus auctoris stylum subinde limaverit, tamen nonnulla æque ac obscura reliquit, ut Mabillonius tom. I veterum

commendasse, superaddere disposui: nec tamen omnia, sed ea solummodo quæ relatu digniora beatissimæ mulieris et meritum declarant et præmium. Cætera nosse cupientem volumina Baudoniviæ revolvere non tædebit. Tu itaque laboratur: tibi consules opusculum, nec prius in aliorum manus incidet, quam tuo examine vel rejiciendum suppressi, vel approbatum publicis aspectibus offerri mereatur. Magna mihi rependes præmia, si subducas ab oculis hominum quidquid senseris eorum linguas formidare. Erit igitur non solum tui arbitrii, sed eorum etiam quos decreveris admittendos, vel correctum producere, vel penitus occultare vitiosum.

Analectorum p. 298, conqueritur his verbis: « Sperabam istius ope libelli illustratum iri quasdam voces obscurissimas, quæ apud Fortunatum in Vita ejusdem Radegundis occurrunt; at, comparatis Hildeberti et Fortunati scriptis, deprehendi Hildebertum aut loca scabrosa præterisse, aut easdem voces obscuras retulisse, nihilque fere præter styli elegantiam apud Hildebertum inveniri, quod in Fortunati et Baudoniviæ libris non habeatur. »

† Quædam voces barbaræ de quibus conqueritur doctus J. Mabillonius elucidatæ inveniuntur Act. SS. notis ad vitam B. Radegundis, auct. Fortunato et Baudonivia, tom. III, Aug. pag. 67-83. BOLL.

(31) Hinc etiam retellitur opinio eorum qui S. Fortunato dignitatem episcopalem denegarunt. BOLL.

INCIPIIT VITA

SANCTÆ RADEGUNDIS REGINÆ,

EDITA A DOMINO HILDEBERTO CENOMANENSI EPISCOPO.

CAPUT PRIMUM.

Sanctæ patria, regium genus, captivitas, educatio in Gallia et pia opera, quæ usque ad nubilem ætatem exercuit.

2. Sicut sacra Evangelii testatur auctoritas: « Beati mites, quoniam ipsi possidebunt terram (Matth. v, 4), » illam scilicet terram, quam Propheta suspirans: « Portio mea, inquit, Domine, sit in terra viventium (Psal. cxviii, 57). » Hujus spe gloriosa et venerabilis regina beata Radegundis exsiliis sui consolata molestias, dum temporalem dimisit hæreditatem, meruit sempiternam. Ex natione Thuringa, vultu elegans, natalibus insignis, moribus insignior fuisse prædicatur. Non nova illam nobilitas, sed a priscis derivata parentibus illustravit. Avus ejus nomine Bessinus (32), pater vero Berectarius (33) regiam uterque attigit dignitatem. Ex his beata virgo sublimem ducens originem, multo clarius enituit virtutum facibus, quam fascibus dignitatum.

3. Porro cum jam cunas evasisset, et Francis

(32) Hic rex Thuringiæ a Gregorio Turon. in Histor. Franc. lib. II, cap. 42. *Bisinus*; ab aliis *Bessinus* appellatur. BOLL.

C irruentibus devastata regione Thuringa, cum reliquis et ipsa captiva adduceretur, captivis [f. captivitatibus] sorte præda regi Clotario cessit, non magis ejus thalamo donatura conjugio, quam profutura moribus et exemplo. Hoc eventu puella patriam egressa Veromandis jussu regis deportatur in villa, cui Ateias nomen, aliquandiu nutrienda. Adhibentur ei honestissimæ vitæ et clarissimi custodes nominis, sub quibus ita litteraturam disceret, ne dedisceret honestatem; nec fuit arduum rudimentis illam liberalibus informari, cujus annos et sexum non minus acumen ingenii, quam castitalis insignia superabant. Præludebat jam in virgine morosa quædam senectus, et ascensiones **SS8** in corde suo disponenti sola ætatis infirmitas obsistebat. Inter illos tamen temporis et sexus aculeos inexorabiliter abhorrebat pudoris dispendia, solam morum suspirans venustatem. Unde et inter cæteros virtutum proventus, quibus tenora fervebat infantia, subvenire pauperibus, ecclesias frequentare, ac divinis satagebat interesse officiis.

(33) Genitor sanctæ nostræ a quibusdam *Berectarius* vocatur, ut patet ex textu Gregorii Turon. BOLL.